



Laura Táunâjik
Inatsisartunut ilaasortaq
Siumut

§ 37 naapertorlugu Utoqqaat illuanni pissutsinut apeqquteqaammut akissut

Asasara Laura Táunâjik

Utoqqaat illuanni pissutsit pillugit apeqquteqaatinnut Naalakkersuisut qujapput

02-06-2016
Suliap nr. 2016 - 8952
Allagaatip suussusia Nr
2907645

Postboks 260
3900 Nuuk
Oqarasuaat (+299) 34 50 00
All (+299) 34 66 66
E-mail: iian@nanoq.gl
www.naalakkersuisut.gl

1. Ittoqqortoormiini Utoqqaat Illuani najugaqarfittut suliffeqarfittullu sinaakkutit pillugit Kommuni pitsannngorsaaniarluni pilersaaruteqarnersoq Naalakkersuisunit ilisimaneqarpa?

Naalakkersuisut 2017-imut aningaasanut inatsimmi kommuni sanaartugassaannut atatillugu Ittoqqortoormiini utoqqaat illuata allilerneqarnissaanut tapiissutinik Kommuneqarfik Sermersuumit qinnuteqaammik tigusaqarput. Taamatut kissaateqarneq utoqqaat illuinik sanaartugassanut aningaasaliissutinik pingaarnersiuinissamut ataatsimut nalilersuinermi ilaatinneqassaaq.

2. Utoqqaat illuini najugaqarfittut suliffeqarfittullu sinaakkutit pillugit Naalakkersuisut nakkutilliinissamik pilersaaruteqarpat?

Inatsisit atuuttut naapertorlugit utoqqaat illui sammisassanullu neqeroorutit kommuninit pilersinneqarlutillu ingerlanneqassapput. Kommunini utoqqaat illuini inissat pisariaqartinneqartunik peqarnissaa kommunalbestyrelsit qulakkeertussaavaat, soorluttaaq utoqqaat illuinik nakkutilliisussatut siullertut inissisimasut, paaqqinninneq, najugaqartitsineq aamma suliffeqarfittut nakkutiginnissat eqqarsaatigalugit kiisalu utoqqarnik paaqqutarinnissami siunertamut sunillu imaqqarnissaanik naapertuuttumik illuuteqarnissaaq.

Kommunit inatsisinut atuuttunut naapertuuttumik nakkutilliisussaataaneerat Ilaqtariinnermut, Naligiissitaanermut, isumaginninnermut Inatsisinillu Atuutsitsinnermut Naalakkersuisoqarfimmit nakkutigineqartussaapput.

Tassunga naapertuuttumik atatillugu uppersarsinnaavara Naalakkersuisut isumaginninnermik suliaasaqarfinnik ingerlaavartumik nakkutillinnerminnut atatillugu pilersaarutigimmassuk kommunit utoqqarnut sullissinerat pillugu nakkutilliarortassamaarlutik. Tassunga atatillugu pissusisamisooruussaaq Naalakkersuisoqarfiup nakkutilliiartui kommunit utoqqarnut illui aamma misissorunikkik.

Ullumikkut nakkutilliiartoqareerpoq 2017-imilu tamanna pingaartinneqarnerulissaaq, tassami utoqqaat paaqqutarineqarnerat innarluutillillu sammineqarnerusussaammata.

3. Pilersaaruteqarsimappat qaqugu tamanna piniarpa? Pilersaaruteqartoqangippat tamanna sooq piniangila?

Ilaqutariinnermut, Naligiissitaanermut, isumaginninnermut Inatsisinillu Atuutsitsinnermut Naalakkersuisoqarfiup 2016-imi pingaarnertut sammivai meeqqanut inuusuttunullu suliat, pingaartumik suliat naammassineqangitsut. Nakkutilliarortut 2017-imi suliaasarissavaat utoqqarnik paaqqinnineq innarluutillillu pillugit suliaasaqarfik.

Inussiarnersumik inuulluaqqusillunga
Med venlig hilsen

Martha Lund Olsen